



21 Maret 2022
Lukas 15: 14-20



Aku enggo ersalah man bandu



Uga penggejapenta adi ersalah kita? Gejap-gejapen kita nta enggo ieteh kalak nge kesalahenta ndai. Emaka rusaha kel kita gelah ola ieteh kalak kesalahenta ndai. Nca uga ka adi enggo ieteh kalak? Pasti lalit ketenengenta ya? Ngaku nge kita entah pediat saja pura-pura la sieteh gelah ola icakapken kalak? Siapa pe e intina kita gelisah dengen adi jelma si rukur kita, si darami nge carana gelah kita banci lepas i bas penggejapen si niksa kita i bas ukurta.

Adi kita enggo ersalah, nggit kita ngaku kesalahenta? Nterem kalak la nggit ngakuken kesalahenna. Kai alasenna? Mbiar ia ndabuh erga dirina, mbiar ia lanai kalak simpati man bana, kitik akapna bana ras sidebanna. Kalak si bage ertina mpertahanken keegoan i bas dirina. Situhuna mbelin kal ulih ngakuken kesalahen e, e me dat kita kemalemen ate dengen ketenengen, sabap tiap kalak nge pernah ersalah i bas kegeluhenna.

Anak si nguda i bas pengajaren Jesus si jadi oratenta, e me anak si enggo ersalah man bapana. Perbahanenna la arusna bage ilakokenna man bapana. Tradisi Jahudi adina orang tua nggeluh denga pantang kap icakapken kerna pembagin erta. Tapi kenca mate orangtua maka banci icakapken dengen ibagikan erta-ertana. Anak singuda enggo nalahi aturen si berlaku. Amin bage gia bapa si melias mereken pemindon anakna singuda e. kenca enggo alokenna baginna la kepe ia beluh guna ngembangkenca seh maka kiniseran nge si jadi man bana. I bas turi-turin enda la ia bertahan i bas kiniseran tapi mulih ia ku rumah bapana dengen ngaku "aku enggo ersalah man bandu." Kai ulihna? Kedamen dengen kegeluhen si ermalem ate.

**Perlebe akuken kesalahen e man Dibata
Emaka akuken kesalahen man kalak si man bana kita
ngelakoken kesalahen**



Blank writing area with a wavy top edge.



Blank writing area with a wavy top edge.